

konačnog imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine.

III.

Ovo rješenje stupa na snagu danom donošenja i objavit će se u "Službenim novinama Federacije BiH".

V. broj 583/2015
22. maja 2015. godine
Sarajevo

Premijer
Fadil Novalić, s. r.

Na temelju članka 64. stavak (6) Zakona o zdravstvenoj zaštiti ("Službene novine Federacije BiH", br. 46/10 i 75/13) i članka 19. stavak (3) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u svezi sa člankom 4. stavak (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), na prijedlog federalnog ministra zdravstva, Vlada Federacije Bosne i Hercegovine, na 6. sjednici održanoj 22.05.2015. godine, donosi

RJEŠENJE

O PRIVREMENOM IMENOVANJU UPRAVNOG VIJEĆA SVEUČILIŠNE KLINIČKE BOLNICE MOSTAR

I.

Imenuje se privremeno Upravno vijeće Sveučilišne kliničke bolnice Mostar u sljedećem sastavu:

1. Branka Galić, predsjednica, Zapadno-hercegovački kanton,
2. Marina Bera, član, predstavnik Federacije Bosne i Hercegovine,
3. Mirsad Džajić, član, predstavnik Federacije Bosne i Hercegovine,
4. Často Čuljak, član, Hercegovačko-neretvanski kanton,
5. Mehmed Haznadar, član, Hercegovačko-neretvanski kanton,
6. Blago Senjak, član, Zapadno-hercegovački kanton,
7. Ljiljana Vujičić - Čupać, član, Sveučilišna klinička bolnica Mostar,
8. Ružica Biloš, član, Sveučilišna klinička bolnica Mostar,
9. Snježana Marić, član, Sveučilišna klinička bolnica Mostar,
10. Nedžad Hadžić, član, Kanton Središnja Bosna.

II.

Privremeno Upravno vijeće iz točke I. ovog rješenja imenuje se na razdoblje do tri mjeseca, odnosno do okončanja postupka konačnog imenovanja sukladno Zakonu o ministarskim, vladinim i drugim imenovanjima Federacije Bosne i Hercegovine.

III.

Ovo rješenje stupa na snagu danom donošenja i objavit će se u "Službenim novinama Federacije BiH".

V. broj 583/2015
22. svibnja 2015. godine
Sarajevo

Premijer
Fadil Novalić, v. r.

Na osnovu člana 64. stav (6) Zakona o zdravstvenoj zaštiti ("Službene novine Federacije BiH", br. 46/10 i 75/13) i člana 19. stav (3) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa članom 4. stav

(2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), na prijedlog federalnog ministra zdravstva, Vlada Federacije Bosne i Hercegovine, na 6. sjednici održanoj 22.05.2015. godine, donosi

RJEŠENJE

O PRIVREMENOM IMENOVANJU UPRAVNOG ODBORA SVEUČILIŠNE KLINIČKE BOLNICE MOSTAR

I

Imenuje se privremeni Upravni odbor Sveučilišne kliničke bolnice Mostar u sljedećem sastavu:

1. Branka Galić, predsjednica, Zapadno-hercegovački kanton,
2. Marina Bera, član, predstavnik Federacije Bosne i Hercegovine,
3. Mirsad Čajić, član, predstavnik Federacije Bosne i Hercegovine,
4. Často Čuljak, član, Hercegovačko-neretvanski kanton,
5. Mehmed Haznadar, član, Hercegovačko-neretvanski kanton,
6. Blago Seňak, član, Zapadno-hercegovački kanton,
7. Ljiljana Vujičić - Čupać, član, Sveučilišna klinička bolnica Mostar,
8. Ružica Biloš, član, Sveučilišna klinička bolnica Mostar,
9. Snježana Marić, član, Sveučilišna klinička bolnica Mostar,
10. Nežad Hazić, član, Srednjobosanski kanton.

II

Privremeni upravni odbor iz točke I ovog rješenja imenuje se na period do tri mjeseca, odnosno do okončanja postupka konačnog imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine.

III

Ovo rješenje stupa na snagu danom donošenja i objaviće se u "Službenim novinama Federacije BiH".

V. broj 583/2015
22. maja 2015. godine
Sarajevo

Premijer
Fadil Novalić, s. r.

FEDERALNO MINISTARSTVO RADA
I SOCIJALNE POLITIKE

743

Na osnovu člana 94. stav 3. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04 i 39/06), federalni ministar rada i socijalne politike donosi

PROGRAM

OBILJEŽAVANJA "DJEČIJE NEDJELJE" U
FEDERACIJI BOSNE I HERCEGOVINE
ZA 2015. GODINU

I - UVODNE NAPOMENE

U cilju podsticanja i organizovanja kulturno-obrazovnih, rekreativnih i drugih mjera i akcija za razvoj i unapređenje brige o djeci u Federaciji Bosne i Hercegovine, organizovati će se raznovrsne aktivnosti od strane predškolskih i školskih ustanova, kulturnih institucija, socijalnih i zdravstvenih ustanova i udruženja

koja u svom radu pokreću nove inicijative i programe za zadovoljavanje potreba djece.

II - OBILJEŽAVANJE "DJEČIJE NEDJELJE"

U 2015. godini "Dječija nedjelja" će se obilježiti u periodu od 05.10. do 10.10.2015. godine, kroz slijedeće aktivnosti:

1. Susreti i sportska takmičenja djece bez roditeljskog staranja koja su smještena u dječija sela i ustanove socijalne zaštite.

Očekivani učesnici su: JU "Dječiji dom", Mostar; "SOS Kinderdorf", Sarajevo; DC "Duga", Kulen Vakuf; JU "Socijalno-pedagoška životna zajednica", Banja Luka; JU Dječiji dom "Bjelave", Sarajevo; JU "Dom za djecu bez roditeljskog staranja", Tuzla; JU "Socijalno-pedagoška životna zajednica", Bihać; DD "Duga", Gradačac; Dječiji dom "R. Vranješević", Banja Luka; "Selo mira" Turija, Lukavac; "Majčino selo", Bijakovići; "SOS Kinderdorf", Gračanica; DD "Egipat", Sarajevo.

Učesnici mogu biti i druge ustanove za smještaj i brigu o djeci bez roditeljskog staranja, u skladu sa iskazanim interesom i relevantnim doprinosom ovoj aktivnosti i manifestaciji u cjelini.

Nosioci aktivnosti: Federalno ministarstvo rada i socijalne politike, Ministarstvo za rad, socijalnu politiku i povratak Tuzlanskog kantona i Dječije selo "Selo mira" Turija kao domaćin susreta.

Datum održavanja: od 07.10. do 09.10.2015. godine

Mjesto održavanja: Dječije selo "Selo mira" Turija, Lukavac

2. Finansijska podrška ustanovama i dječijim selima, koje brinu o djeci bez roditeljskog staranja.

Federalno ministarstvo rada i socijalne politike će raspisati javni poziv za dodjelu sredstava sa pozicije "Tekući transfer neprofitnim organizacijama - "Dječija nedjelja", u iznosu od 32.000,00 KM. Ustanove koje zadovolje opće i posebne kriterije i uslove javnog poziva, ostvarit će određenu finansijsku podršku za sudjelovanje u ovoj aktivnosti.

Sredstva sa ovog transfera dodijelit će se i za druge programske prijedloge za koje se utvrdi da su u funkciji zaštite i unapređenja društvenog položaja i uključivanja djece bez roditeljskog staranja, a koji će se odabrati u skladu sa općim i posebnim kriterijima i uslovima javnog poziva.

Nosioci aktivnosti: Federalno ministarstvo rada i socijalne politike i korisnici sredstava.

3. Konferencija na prigodnu temu.

Predviđeno sudjelovanje: Ministarstvo za ljudska prava i izbjeglice BiH, Ministarstvo civilnih poslova BiH, Institucija ombudsmena/ombudsmana za ljudska prava BiH, Ministarstvo zdravlja i socijalne zaštite Republike Srpske, federalna i kantonalna ministarstva nadležna za oblasti socijalne zaštite, zdravstva i obrazovanja, SOS dječija sela BiH, Save the Children, World Vision, Hope and Home for Children i dr.

Nosioci aktivnosti: Federalno ministarstvo rada i socijalne politike u saradnji sa UNICEF-om BiH.

Datum održavanja: 05.10.2015. godine

Mjesto održavanja: Sarajevo

4. Donacija Ministarstva za rad, socijalnu politiku, raseljena lica i izbjeglice Kantona Sarajevo Dnevnom centru za djecu sa posebnim potrebama Maglaj, u iznosu od 2.000,00 KM.

Nosioci aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo za rad, socijalnu politiku i izbjeglice Zeničko-dobojskog kantona i Federalno ministarstvo rada i socijalne politike.

Datum posjete: 06.10.2015. godine

5. Priprema, donošenje i implementacija kantonalnih programa obilježavanja "Dječije nedjelje" usaglašenih sa ovim programom.

- Federalno ministarstvo rada i socijalne politike će pripremiti i dostaviti Vladi Federacije na usvajanje Odluku o utvrđivanju novčanih iznosa koji će se naplaćivati u toku mjeseca oktobra 2015. godine na teritoriji Federacije Bosne i Hercegovine za "Dječiju nedjelju", najdalje do 15.06.2015. godine;

- Nadležna kantonalna ministarstva će najdalje do 15.09.2015. godine Federalnom ministarstvu rada i socijalne politike dostaviti svoje kantonalne programe obilježavanja "Dječije nedjelje", usaglašene sa ovim programom;

- Najkasnije do 30.11.2015. godine nadležna kantonalna ministarstva će Federalnom ministarstvu rada i socijalne politike dostaviti finansijski izvještaj o prikupljenim sredstvima na osnovu Odluke iz stava 1. ove tačke, kao i izvještaj utrošenih sredstava u obilježavanju "Dječije nedjelje" na području kantona.

Nosioci aktivnosti: Federalno ministarstvo rada i socijalne politike i resorna kantonalna ministarstva.

6. Medijska promocija i pažnja obilježavanja "Dječije nedjelje". Medijskim kućama dostaviti saopćenje za javnost.

Nosilac: Federalno ministarstvo rada i socijalne politike

Vrijeme dostave saopćenja: 03.10.2015. godine

III - ZAVRŠNE ODREDBE

Ovaj program će se objaviti u "Službenim novinama Federacije BiH".

Broj 05-02/11-847/15

22. maja 2015. godine

Sarajevo

Ministar

Prim. dr. **Milan Mandilović**, s. r.

Na temelju članka 94. stavak 3. Zakona o osnovama socijalne zaštite, zaštite civilnih žrtava rata i zaštite obitelji sa djecom ("Službene novine Federacije BiH", br. 36/99, 54/04 i 39/06), federalni ministar rada i socijalne politike donosi

PROGRAM

OBILJEŽAVANJA "DJEČJEG TJEDNA" U FEDERACIJI BOSNE I HERCEGOVINE ZA 2015. GODINU

I - UVODNE NAPOMENE

U cilju podsticanja i organiziranja kulturno-obrazovnih, rekreativnih i drugih mjera i akcija za razvoj i unapređenje skrbi o djeci u Federaciji Bosne i Hercegovine, organizirati će se raznovrsne aktivnosti od strane predškolskih i školskih ustanova, kulturnih institucija, socijalnih i zdravstvenih ustanova i udruga koje u svom radu pokreću nove inicijative i programe za zadovoljavanje potreba djece.

II - OBILJEŽAVANJE "DJEČJEG TJEDNA"

U 2015. godini "Dječji tjedan" će se obilježiti u periodu od 05.10. do 10.10.2015. godine, kroz slijedeće aktivnosti: